

**Muhyiddin ikrar setia pada Najib**  
**Malaysiakini.com**  
**Mar 26, 09**

Tan Sri Muhyiddin Yassin menyifatkan kemenangannya sebagai timbalan presiden Umno hari ini sebagai satu tanggungjawab besar dan berikrar untuk bertugas dengan baik untuk membantu Presiden parti, Datuk Seri Najib Tun Razak.

Pada masa yang sama, beliau yang juga menteri perdagangan antarabangsa dan industri (Miti) menyeru mereka yang bertanding - menang atau kalah - supaya merapatkan barisan.

"Saya anggap perpaduan paling utama. Kita hendak tunjuk bahawa Umno dalam keadaan dapa cara sekalipun, ambil kira kepentingan orang Melayu.

"Saya berikrar untuk mencurahkan tenaga dan usaha saya kepada parti dan rakyat agar kita semua setia kepada Datuk Seri Najib," katanya.

Sementara itu, Tan Sri Muhammad Muhd Taib pula berkata beliau menerima kekalahannya di tangan Muhyiddin dengan hati yang terbuka.

"Saya akan terus menyumbang dalam pelbagai bentuk yang boleh sama ada dalam pilihanraya umum, pilihanraya kecil atau seminar untuk terus berkhidmat kepada parti.

Sebelum itu, ketika ditanya tanggapan bahawa calon-calon yang menang dalam barisan MT sebagai orang Najib, beliau menjawab: "(Mereka) orang Umno".

Dalam pertandingan merebut jawatan tersebut, Muhyiddin memperolehi 1,575 undi manakala Muhd Taib mendapat 916 undi.

Copyright © 1999-2007 Mkini Dotcom Sdn. Bhd.  
<http://www.malaysiakini.com/news/101093>